



# Христост иткдг Көрингтин улст илгэсн хойрдгч бичг

## Нүр уг

Хойрдгч бичг апостол Павел болиң Көрингтд бээх чонж хоорнд кеңүү бээдл учрсн цагт бичгдсмн. Чонжин зэрм гешүд Павелыг шүрүтэхээр шүүж-шалын бээдлтэ. Болв Павел йир икэр эвцхэр седнэ, эвцхлэрн байрлна.

Бичгин түрүн өнгднүй Павел Көрингтд бээх чонжла эврэнин хәрлцэ-нэ тускар күүнднэ. Тер чонжин улсин балыснди боли өшэ кеснди ягад тиим догшар хәрү өгсэн цээлхүжэнэ. Терүн догши хәлэцэс чонжин улс бурунан медэд эвцлдхлэ, Павел бас байрлна. Дарунь Йудьяд дем күләжэх христианмудт чонжин улс элвгэр демэн кургтхэ гиж тер дуудвр кенэ.

Сүүлнк бөлгүйт Павел апостол нерэн харсжана. Ягад гихлэ, зэрм улс бийэн үнндэн апостол гиж нерэдэд, Павелыг апостол гисн худл нертэ гиһэд гемшэжэлэ.

### Учр-утхин зура

Нүр уг 1.1–11

Павел болиң Коринфд бээх чонж 1.12 – 7.16

Йудья назрин иткдг улст өгчэх дем 8.1 – 9.15

Павел апостол гисн эврэнин нерэн харсна 10.1 – 13.10

Ашлвр 13.1–13

### Менделлин

**1** Бурхна таалар Христос Иисусин апостол болтха гиж дуудгдсан Павелас болиң мана дү Тимофеяс Бурхнд иткдг Көрингтин баг улст болиң цуг Ахъяр бээх Бурхна улст цугтаднь менд.<sup>2</sup> Мана Эцк Бурхн болиң Деед Эзн Иисус Христос цаһан сана боли амулн бээдл таднд өгтхэ!

### *Павел Бурхнд ханлтан өргөжэнэ*

<sup>3</sup>Бурхнд болн мана Деед Эзн Иисус Христосин Эцкд, цаһан саната Эцкд болн мадниг төвкнүлдг Бурхнд туурмж! <sup>4</sup>Бидн зүсн-зүүл зовлнта улсиг төвкнүлдгэр Бурхн мадниг мана цуг зовлн өдлжэснд төвкнүлжэнэ. Бурхн мадниг төвкнүлснлэ өдлэр бидн тедниг бас төвкнүлжэнэвидн. <sup>5</sup>Христосин төлэ бидн яһж икэр зовжанавидн, тедү мет Бурхн мадниг Христосар дамжад төвкнүлх. <sup>6</sup>Кемр бидн зовжахла, зуг тана төвкнлти болн аврлын төлэ зовжанавидн. Кемр мадниг төвкнүлжэхлэ, зуг тадна төвкнлти төлэ тиигжэнэ. Маднла хамдан даажах зовлнгиг тадн тесвртэхэр даахларн төвкнүлт авхит. <sup>7</sup>Бидн таднд батар иткжэнэвидн. Янад гихлэ, кемр тадн маднла өдл зовжахла, ти-игхлэ маднла өдл төвкнүлгхит.

<sup>8</sup>Ахнр-дүүнр, Азийд маднд учрсн зовлнгин тускар тадниг медтхэ гиж бидн санлавидн. Бидн мана зовлнгиг даахин арhas даву ик ahy күчр-күндлэ харhвидн. Тиигэд нам өмд үлдх нээлврэн гееввидн. <sup>9</sup>Үкх шийдврлэ харhсан бидн тааһад меджэлэвидн. Болв эннь цутгтан учрв: мадниг бийдэн биш, үклэс өмдрулжэх Бурхнд нээлтхэ гижэнэ. <sup>10-11</sup>Бурхн мадниг тиим күчр үклэс аврв, мадниг дэкэд аврх. Кемр тадн мана төлэ зальврад дөн болхла, Бурхн дэкн мадниг аврх гиж нээлжэнэвидн. Тиигэд Бурхн мана төлэ олн зальврлннд хөрү өгэд, маднд өдс өгх. Болв кесгнь мана төлэ Бурхнд ханлтан өргх.

### *Павелын зуран сольт*

<sup>12</sup>Бидн эн жирhлд йилhэн даву таднла бээхлэрн, бийэн юм нуулго бэрэд, Бурхна үнэр бээснэ тускар меджэхэн зүркэрн бидн буульжанавидн. Болв бидн күүнэ цецн ухаанар биш, Бурхна цаһан санаанар тиигж йоввидн. <sup>13-14</sup>Бидн тана умшж болн медж чадхин тускар бичжэнэвидн. Мана Деед Эзн Иисусин ирх өдрт бидн тадна буульмж болвидн, тедү мет тадн мана буульмж болхит. Эннь күцц бишинь тадн медсмн болхит. Тадниг күццднь медх гиж нээлжэнэв.

<sup>15</sup>Би энүнд цутгадн иткжэлэв. Тиигэд тадниг хойр дам өдс автха гиһэд түрүлэд тадн тал ирхэр зуралжала. <sup>16</sup>Би Македонь орж йовад, бас нег Македоняс хэрж йовад, тадн тал одхар седлэв. Йудья тал йовхд тадн нанд дөн болх билэт. <sup>17</sup>Иигж зуралхларн

би нааһар ухалсн болвза? Эс гихлэ би цогц-махмудынны седвэрэс зуралжану: «Э» – гиж келчкэд, «Уга» – гиж ухалжану?<sup>18</sup> Бурхн итклтэ бидн «Э», «Уга» – гиж дегц келжэхшивидн.<sup>19</sup> Мини, Силан болн Тимофейин цээлхэй йовсн Бурхна Көвүн, Иисус Христос, дегц «Э», «Уга» болжаш. Терти кезэ чигн «Э» болжана.<sup>20</sup> Янад гихлэ, Бурхна өгсн үгд Христос цуг лавта хэрүнь болжана. Тииг-гэд Иисус Христосар дамжад Бурхна туурмжин төлэ бидн «Тииг-тхэ!» гиж келнэвидн.<sup>21</sup> Бурхн мадниг таднла Христост иткснд батражана, мадниг Бийиннэ төлэ салхв.<sup>22</sup> Бурхн мадниг Эврэннүн улст тоолад, мадниг тамхлав. Бурхн өгсн үгэн цугтаинь эркн биш күцхээр мана зүркнд Эрүн Сэкүсиг өгв.

<sup>23</sup> Таднд улм зовлн үзүүлшгон төлэ Коринф тал намаг ода күртл эс ирснэ герчн – Бурхн.<sup>24</sup> Юунд иткхиг бидн таднд закж заахар бээхшивидн. Янад гихлэ, тадн батар иткжэнэт. Бидн хамдан тадна байрин төлэ көдлжэнэвидн.

**2** Таднд үндрэл бичэ төртхэ гиһэд, би тадн тал одшго болж шийдв.<sup>2</sup> Янад гихлэ, кемр би таднд үндрэхлэ, намаг үндрасн улсас талдан кен байрлуулхмб?<sup>3</sup> Кемр ирхлэрн, намаг байрлуулх улсас үндрэл үзүүлжон төлэ би тиигж таднд бичв. Би иткжэнэв: кемр би байрлхла, тадн цугтан бас байртат.<sup>4</sup> Би дегд икэр үндрхад, зүркэрн гейүрэд болн икэр ууляд бээснэдэн таднд бичлэв. Болв би тадниг үндахар биш, таднд цугтадтн ямаран икэр дуртаан медүлхэр бичлэв.

### *Килнц гархсан күүнэ килнц тэвэж өглийн тускар*

<sup>5</sup> Кемр кен негнь кениг болв чигн үндрасмн болхла, зуг намаг биш. Тер күн тадниг цугтаитн баһар үндав. Би нам үлү юм келхээр бээхшв.<sup>6</sup> Иим күүнд тадна икнкэс авсн засгнь болжана.<sup>7</sup> Тиигэд тадн терүнэ бурунинь тэвж өгэд, икэр үндрэдгоһар болн итклэн хайдгоһар урмд өгх зөвтэт.<sup>8</sup> Тадн йосндан терүнд дуран өгчэхэн үзүлти гиж би эржэнэв.<sup>9</sup> Би таднд энүг бичхлэрн, тадниг цугтаинь күцхэд соңсхврта болх угалинь медхэр сөрж бичлэв.<sup>10</sup> Тадн кенэ буру тэвж өгчэнэт, терүнэ буруг би бас тэвж өгчэнэв. Янад гихлэ, кенэнн чигн буру тэвх юмн бэхлэ, тадна төлэ Христосин өмн би терүнэ бурунинь тэвж өгчэнэв.<sup>11</sup> Тадниг эрлг бичэ меклтхэ гиһэд тиигжэнэв. Янад гихлэ, бидн терүнэ зураг меднэвидн.

### *Троадт болсн Павелын үүмэн*

<sup>12</sup> Намаг Троадт Христосин туск Сэн Зэңг тархахар ирхлэ, Деед Эзн тархах арх өгсмн бээж. <sup>13</sup> Болв тенд мини ду Тит уга болсн учр deerэс би бийэн тогтнуулж чадад бээвв. Тиигэд би Троадт бээсн иткдг улслыа мендлэд, Македонь тал йовв.

### *Христосар дамжад ирсн диилвр*

<sup>14</sup> Болв бидн Бурхнд ханлт өргжөнөвидн. Янад гихлэ, Христосла нийлэд, Бурхн мадниг диилвртэхэр залж йовна. Бурхн маднар дамжад кацкнсн сээхн үнр тархажах мет Христосин туск ном тархажана. <sup>15</sup> Янад гихлэ, бидн Бурхнд Христосин бэржэх кацкнсн сээхн үнр мет болжанавидн. Эн үнр авргджах улс дунд чигн, үкжэх улс дунд чигн таржана. <sup>16</sup> Үкжэх улст эннэ үклин үнр, авргджах улст эннэ жирхл өгдг үнр болжана. Кен тиим юм күцэж чадхмб? <sup>17</sup> Тиигхлэрн бидн Бурхна үгиг олн улслыа әдл олзин төлэ цээлтийж йовхшивидн. Мадниг Бурхн илгэснд бидн Христосин зарцнр болад Бурхна өмн мел үнэр келжэнөвидн.

### *Шин бооцана церглэчир*

**3** Бидн бийэн буульжах болж медгджэдг болвза? Тадна төлэ эс гихлэ таднас авх цээлтивртэ бичг зэрм улслыа әдл маднд кергтэй? <sup>2</sup> Тадна цугтан меддгэр болн умшдгар мана зүркнд бичгдсн бичг болжанат. <sup>3</sup> Тадна мана күргсн Христосин бичг болсан үзүлжэнэт. Эннэ бекэр биш, әмд Бурхна Сэкусэр бичгдэв, тиигчкэд дөрвлжн чолун deer биш, күүнэ зүркнд бичгдэв.

<sup>4</sup> Тиим иткл Бурхнд бидн Христосар дамжад аввидн. <sup>5</sup> Иим көдлмш күцэх арх маднас гарчана гиж би тоолжахшв. Эн арх Бурхнас иржэнэ. <sup>6</sup> Бурхн маднд Шин Бооцанд церглх арх өгв. Шин Бооцан бичгдсн Заканас биш Сэкуснэс бүрджэнэ. Бичгдсн Закан үкл авч ирнэ, Сэкусн болхла жирхл өгнэ.

<sup>7</sup> Закан чолун deer үзгүдэр сиилгдж. Эннэ туурмж үзүлжэж. Тиигэд Израилин улс Мошен чирэ хэлэж чадлго бээж. Юнгад гихлэ, туурмжны баиржасн бийн тэрүнэ чирэнь туурмжас мандряж. Кемр үкл авч ирсн Закан тиим туурмжта болхла, <sup>8</sup> тиигхлэ Сэкуснэ көдлмш түүнэс туурмжта эс болхий? <sup>9</sup> Кемр әмтиг засгла хархуулх көдлмш туурмжта болсмн болхла, аврлт авч ирдг

көдлмш түүнэс ямаран туурмжта болх! <sup>10</sup> Эн саамд өдгэ турмжас көлтэ Закана туурмж туурмж биш болжана. <sup>11</sup> Янад гихлэ, кемр уга болсон юмн туурмжта бээсмн болхла, тиигхлэ оньдинд бээдг юмн ямаран ик туурмжта болжахмб?

<sup>12</sup> Бидн тиим нээлвртэ болсндан, тиигэд зөргтэ йовдл гархжанавидн. <sup>13</sup> Бидн Мошелэ өдл кежэхшивидн. Мошен туурмжнь баарад уга болжасинь Израилин улс бичэ үзтхэ гиһэд, эврэннь чирэхэн бүркэхэр бүркдг билэ. <sup>14</sup> Болв эн улсин ухан эндр күртл хаалхата. Хуучн бооцан тедн умшхла, ухань бүркэхэр бүркэтэ. Эн бүркэг зуг Христосар авч хайгдх. <sup>15</sup> Эндр өдр күртл Мошен бичсигт умшхла, Израилин улсин ухан бүркэхэр бүркэтэ. <sup>16</sup> Болв кемр күн Деед Эзн тал эргхлэ, бүркэ авгдна. <sup>17</sup> Деед Эзн – Сэкуясн болжана. Деед Эзнэ Сэкуясн бээжэх назрт сул бээдл учрна. <sup>18</sup> Бидн цутган ил чирэхэрн Деед Эзнэ туурмжиг хэлэжэнэвидн. Деед Эзнэ Сэкуясн мадниг Деед Эзнэ дүрд хүврүүлжэнэ, тиигэд улм ик туурмж үзүлжэнэвидн.

### *Шавр сав дотр бээх зөөр*

**4** Бурхн эврэннь хээрлтэр маднд эн церглт өгсн деэрэс бидн терүг тасллго күцэжэнэвидн. <sup>2</sup> Бидн нуувч болн ичтэгтэ йовдлмудыг цугтаинь хээлвидн, мек гархдговидн, Бурхна үгиг бидн хажиллго келнэвидн. Мадниг һанцхн үнниг цээлхж йовснд Бурхн герч. Тиигэд маднд иткж болхиг күн болһи лавтагар меднэ. <sup>3</sup> Кемр мана тархажах Сэн Зэнг эс меджэх зэрм улс бээхлэ, тернь – үкжэх улс. <sup>4</sup> Янад гихлэ, эн делкэн бурхн иткдго улсин уханин харнхтууль. Тиигхлэрн теднэ төлэ Христосин туурмжин туск Сэн Зэнгин герл бичэ гильвкхэ гиж тиигв. Христос мел Бурхна авц-бэрштэ дур. <sup>5</sup> Бидн бийэн биш Деед Эзн Иисус Христосин тускар цээлхж өгч йовнавидн. Бидн болхла Иисусин төлэ бээх тадна зарцнр болжанавидн. <sup>6</sup> Янад гихлэ, «Харнху тангас герл ортха!» – гисн Бурхн Христосар дамжад Бурхна туурмж медтхэ гиһэд, мана зүркнд герл оруль.

<sup>7</sup> Цугтааснь даву чидл мадна чидл биш, Бурхна чидл. Терүг үзүлхин төлэ эн зөөриг бидн шавр савд бэржэнэвидн. <sup>8</sup> Мадниг шахжана, болв балцлж чаджахш. Бидн алмацнавидн, болв мел цөкржэхшивидн. <sup>9</sup> Мадниг мөрдж көөлднэ, болв Бурхн мадниг мел үлдэхш. Мадниг гүвднэ, болв алж чаджахш. <sup>10</sup> Иисусин жирхл мана цогц-махмудт үзгддгэр бидн эврэннь цогцдан кезэ чигн

Исусин үкл бәржәнәвидн. <sup>11</sup>Исусин жирһл мана үкдг цогц-махмудт үзгддгәр бидн наас туршарт Христосин төлә үклини өмн өргнд зогсжанавидн. <sup>12</sup>Үкл мадн дотр бәәнә, жирһл болхла – тадн дотр. <sup>13</sup>Бурхна Бичтг иижә бичәтә: «Би иткен учр деерәсн келләв». Бидн бас тер итклини Сәкүстә болад иткҗәнәвидн, тер төләд келжәнәвидн. <sup>14</sup>Исусиг үкләс әмдрулсн Бурхн мадниг Исусла бас әмдруләд таднла хамднъ Бийиннъ өмн зогсахиг бидн меднәвидн. <sup>15</sup>Эн цугтан тадна төлә кегдҗәнә. Бурхна цаһан санан йир олн улст күртдгәр тиигжәнә. Тиигхлә олн улс Бурхиг улм ханж йөрәх. Эннъ Бурхнду туурмж авч ирх.

### *Итклини жирһл*

<sup>16</sup>Тиигәд бидн церглтән зогсажахшивидн. Мана цогц-махмуд архул элжәнә, болв шин күн өдр ирвәс шинрҗәнә. <sup>17</sup>Мана цаг зуура гиигн зовлң мадннд зовлңгас кесг холван ик алдр мөнк туурмж мадннд авч ирх. <sup>18</sup>Бидн үзгдҗәхиг биш, эс үзгдҗәхиг хәләжәнәвидн. Яһад гихлә, үзгдҗәхнъ цаг зуура болҗана, эс үзгдҗәхнъ мөнк.

**5** Мана бәәх эн гер – мана һазр деерк цогц-махмуд – уга кегдхлә, тенгрт күн үүдәһәд уга мөнк гер мадннд Бурхн өтхиг бидн меднәвидн. <sup>2</sup>Тиигәд бидн түншәд мана тенгртк цогц-махмуд авхар седжәнәвидн. <sup>3</sup>Бидн тенгртк цогц-махмудтавхларн, нүцкн болшговидн. <sup>4</sup>Эн һазра цогц-махмудта жирһжәх деерән бидн дарггад түншжәнәвидн. Боль эннъ цогцасн салх мана седвәр биш. Бурхн мадниг ондарулад мадннд шин мөнк цогц өтхә гиҗәнәвидн, мана һазр деерк цогц мөнкд солыгдтха гиҗәнәвидн. <sup>5</sup>Энүнә төлә мадниг Бурхн үүдәв, дәкәд Тер өгсн үгән цугтанинь лавтаһар күцәхәр мадннд Әрүн Сәкүс өгв.

<sup>6</sup>Тер учрар бидн кезә чигн зөргтәвидн. Эн һазр деерк цогц-махмудта бәәтлән, бидн Деед Эзнәс холд йовнавидн. <sup>7</sup>Бидн үзжәхәрн биш иткләрн бәәнәвидн. <sup>8</sup>Тиигәд бидн зөргтәвидн, эврәннъ һазр деерк цогц-махмудан үлдәһәд, Деед Эзnlә бәәхәр седжәнәвидн. <sup>9</sup>Бидн Деед Эзnlә бәәв чигн, эс гихлә холд бәәв чигн, Терүнд таасгдхар шамдһаһар киннәвидн. <sup>10</sup>Яһад гихлә, бидн цугтан Христосин өмн зарһла харһвидн. Тиигхләрн күн болһн һазр деерк цогц-махмудта бәәсәрн эврәннъ му, эс гихлә сән йовдларһарн авхан авх.

### *Бурхна эвцлтийн ном*

<sup>11</sup> Деед Эзиг күндлийн гисиг бидн меднэвидн, тийгэд энүнд талдан улсиг иткуулхэр седнэвидн. Бурхн мадниг кевтнь меднэ, тийгэд тадниг эврэнн зүркэрн намаг бас кевтнь меднэт гиж би нээлжэнэв. <sup>12</sup> Бидн бийэн таднд шинэс буульжахшидн. Болв таднд маднаар бардмийн зөв өгчэнэвидн. Дотрк бээдлэрн биш, назак бээдлэрн бардмийн жаахааны ормд үксн болхла, тийгхлэ цугтан үкж одсиг бидн тодрахаар меднэвидн. <sup>13</sup> Кемр мадниг ухан тату улс гиж тоолжаахла, энны Бурхна төлэ. Кемр ухаанаарн эрүүл-менд гиж тоолжаахла, тернь тана төлэ. <sup>14</sup> Мадниг Христосин дурн нааджана. Кемр нег күн цугтанын ормд үксн болхла, тийгхлэ цугтан үкж одсиг бидн тодрахаар меднэвидн. <sup>15</sup> Эмд бээх улс бийинь төлэ биш, теднэ ормд үкэд эмдэрсн Христосин төлэ жирдгэр Тер цугтанын ормд үкв.

<sup>16</sup> Иигэд эн цагас авн бидн тийгэд күүнэ хэлэцэр дэкж кен тал болв чигн хэлэжэхшидн. Болв Христос тал бидн күүнэ хэлэцэр хэлэдг билэвидн, зуг дэкж тийгжэхшидн. <sup>17</sup> Кемр кен чигн күн Христосла ниицэд бээхлэ, тертн шин күн. Кезэнк давв, ода цугтан шин. <sup>18</sup> Энүүг цугтаанийн Бурхн күцэв. Тер мадниг Христосар дамжад Бийлэхэн эвцүлв, эвцлтийн туск зэнг тархах көдлмийн мадннд даалхв. <sup>19</sup> Эн зэнг иим: Бурхн Христосар дамжад делкэг Бийлэхэн эвцүлв. Эмтнэ килнциг Бурхн теднэ тоод дэкж орулжахш. Бурхн мадннд эвцлтийн туск зэнгиг даалхв. <sup>20</sup> Бидн Христосин элчир болжанавидн. Маднаар дамжад Бурхн келжэнэ. Христосин нерн deerэс тадниг суржанавидн: Бурхна эвцтн! <sup>21</sup> Ягад гихлэ, Бурхн килнц уга Христосар мана килнцин төлэ тэкл кев. Терүнлэ ниицэд мадниг Бурхна чик бээдл авдгар тийгв.

**6** Бурхнаас тана авсн цаан санан кийдэн бичэ давтха гиж бидн, Бурхнд көдлдг улс, таднаас суржанавидн. <sup>2</sup> Ягад гихлэ, Бурхн келжэнэ: «Кергтэ цагтан Би чамаг соңсв, тийгэд авргдх өдр чамд дөн болв». Ода кергтэ цаг, ода авргдх өдр. <sup>3</sup> Мана церглтийг күн бичэ шалхтаа гиһэд, бидн кенд чигн харшлтга йовдл гархажаахшидн. <sup>4</sup> Бидн цуг кежэх тоотдан Бурхна зарцир болжан хүзүүлжэнэвидн. Бидн тесвртэхэр күчр-күндиг, түрү бээдлиг, уга-ядуг даажанавидн. <sup>5</sup> Мадниг гүвдлэ, түүрмд суулыла, олн өмтн дэврлэ. Бидн көштлэн көдлвидн, нөр уга, хот уга бээвийдн. <sup>6</sup> Цевр-цеерэрн, медлэрн, тесврэрн, цаан санааарн, Эрүн

Сэкүсэрн, йосн дуарн, үнн үгэрн<sup>7</sup> болн Бурхна күчэр бидн Бурхна зарцнр болсан үзүлвидн. Бурхнла чик бээлн н мана дэврлн н болн харслтын зер-зев.<sup>8</sup> Мадниг күндлн н болн мадниг күндлхш. Мадниг му келн н болн мадниг туурулна. Мадниг худлч гинэ, болв үнэр келжэнэвидн.<sup>9</sup> Мадниг таньдгод тоолна, болв мадниг цугтан медн э. Мадниг үкснэ тоод орулж болв бидн эн өмдвидн. Мадниг гүвдн н, болв алж чаджахш.<sup>10</sup> Мадниг үундана гиж тоолна, болв бидн оньдин байрлнавидн. Мадниг түрү бээнэ гиж тоолна, болв олн улсиг бидн байжуллавидн. Маднд мел юмн уга, болв цугтаинь эзлнэвидн.

<sup>11</sup> Коринфин улс! Бидн таднла илэр күүнджэнэвидн. Бидн таднд йир дуртавидн.<sup>12</sup> Таднд өгчэх мана дурн кемжэн уга, болв тадн эврэн бийэн бэржэнэт.<sup>13</sup> Би тадн, эврэнн үрдүйт келслэ әдлэр келжэнэв: бидн тадн дурта болсн әдлэр тадн маднд дурлтн.

### *Бидн – Бурхна өмд сүм*

<sup>14</sup> Христост иткдго улсла ямаран чигн ниицэнд бичэ ортн. Бурхнла чик бээлн болн зака эвдлн хойрин хоорнд хамцу юн бээхмб? Герл болн харнху хойрин хоорнд хамцу юн бээхмб?<sup>15</sup> Христос эрлг хойрин хоорнд зөвшэл бээхий? Христост иткдг күн иткдго күүнлэ негдхд юн бээхмб?<sup>16</sup> Бурхна сүм худл кегдл мүдлэ яхж ирлэхмб? Янад гихлэ, бидн өмд Бурхна сүм болжанавидн. Бурхн эврэн келлэ: «Би теднлэ бүүрлэд, тедн дунд бээхв. Би тедн Бурхн болнав, тедн Мини улс болх».<sup>17</sup> Тийгэд Деед Эзн келжэнэ: «Тедн дундас нарад, бийэн теднэс салхж автн. Бузр юм бичэ көндэтн! Тийгэд Би тадниг орулж авхв.<sup>18</sup> Би тадна Эцк болхв. Тадн Мини көвүд болн күүкд болхит, гиж цугтаг бэржэх Деед Эзн келжэнэ».

**7** Мини дурта улс! Цуг эн үгмүдиг Бурхн маднд өгв. Тийгэд мана цогциг болн сэкүсиг бузрдажах тоотас бийэн цугтаснь цеврий! Бурхиг күндлэд йир өрүнэр бээхэр зүткий!

### *Павелын байр*

<sup>2</sup> Маднд өгчэх дуран үзүлтн. Бидн кү үундасмн угавидн. Бидн нег чигн күүнд му йовдл гархсн угавидн, кенэс чигн бийдэн олз хээсмн угавидн.<sup>3</sup> Таниг засглхар би иигж келжэхшв. Янад гихлэ, урдн келсэр хамдан үкв чигн, хамдан жирхв чигн бидн

таднд дуртавидн. <sup>4</sup>Би таднд йир икэр нээлжэнэв, тадн нанд йир ик сана зүүлхжэнэт. Мана цуг күчр-күндт тадн нанд урмд өгвт, би йир байрта бээнэв.

<sup>5</sup>Македоньд ирхлэрн, бидн амрлт үзсн угавидн. Бидн зөвэр түрвидн: өмтнлэ зүтклвидн, зүркнд өэмшг үүдв. <sup>6</sup>Болв дора-цуулгдсан улст урмд өгдг Бурхн, Титиг ирүлэд, маднд урмд өгв. <sup>7</sup>Бидн һанцхн терүнэ ирсэр биш, тадн терүнд яһж урмд өгсэр урмдта бээнэвидн. Тадн намаг үзхэр бээхиг, тана һундлин тускар, нанла дэкн үүрлхэр бээхин тускар Тит маднд кельв. Энүнд би йир икэр байрлв. <sup>8</sup>Кемр урднь бичсн бичг тадниг һундасмн болхла, би терүнд харм төржэхшв. Болв би цаг зуур хармнв, яһад гихлэ, тер бичг тадниг баахн цагт һундав. <sup>9</sup>Зуг ода би тадниг һундасндан биш, тадн урдк жирхлэн үлдэснд байрлжанав. Тадн Бурхна төлэ һундагдват, тиигэд бидн таднд мел му үзүлсн уга-видн. <sup>10</sup>Бурхнас иржэх һундл килнцтэ жирхл үлдэхд нөкд болна. Эннэ өмтиг аврлтур авч ирнэ, тиигэд энүнд цөкрлт мел уга! Эн делкэн һундл үклүр өмтиг көтлнэ. <sup>11</sup>Хэлэлт, Бурхнас ирсн һундл таднд ю кев? Тадниг үннч кев. Тадн эврэннь буру угаан илдкх седкл зүүвт. Тадн уурлад үүмлдват. Тадн нанла харгад үүр-лхэр бээввт. Буру гархсан улсиг тадн засглхдан белин бээнэт. Эн кергт тадн бийэн буру бишэн үзүлвт. <sup>12</sup>Урднь бичсн бичгиг би му келсн күүнэ болн му келүлсн күүнэ төлэ бичжэхшв. Тадн мана тускар Бурхна өмн яһж илэр килмжэн тусхажахиг таднд үзүлдгэр бичлэв. <sup>13</sup>Тиигэд бидн урмд аввидн.

Энүнэс нань бас Титин байрин тускар бидн соңсж, дэкэд тадн терүнэ седкл яһж төвкнүлсиг соңсад байрлвидн. <sup>14</sup>Би тадниг терүнд буульв, терүнэсн ичсн угав. Болв цуг маңа келсн үнн болсар тиим кевэр Титд буульсан ѹосндан үнн болжана. <sup>15</sup>Тадна соңсхврта бээдлин тускар болн яһж терүнэс сүрдж өэмсж тадн тоссиг Титд тодлхла, таднд өгчэх терүнэ дурн улм икднэ. <sup>16</sup>Би таднд нээлж чадхарн байрта бээнэв.

### *Иткдг улсин тола мөнг цуглуллын*

**8** Ахир-дүүнр, Македоньд бээх Христост иткдг багмудт Бурхн ямаран хээрлтэн өгснэ тускар тадниг медтхэ гижэнэвидн.

<sup>2</sup>Тедн зовлнгар дамжад икэр сөргдв. Дегд түрү бээв чигн тедн мөнг өгхдэн йир өгэнч болв, яһад гихлэ, теднэ байр аху ик.

<sup>3</sup>Тедниг бээснэсн өгч чадхан өгэд, нам терүнэсн давуһар өгсиг

би герчлж чадхв. Эврэннъ дуарар <sup>4</sup> Ерусалимд бээх Бурхна улст дөн болхан тедн маднас итклтэхэр сурв. <sup>5</sup> Теднэ кеснь мана күлэжэснэс даву болв. Хамгин түрүнд тедн бийэн Деед Эзнд нерэдв, дэкэд Бурхна таалар маднд дөн болв. <sup>6</sup> Тадн дунд Титин эклэд кежэх эн цаһан седклин кергиг күцэтхэ гиж төрүг сурвидн. <sup>7</sup> Тадн цуг бээсэрн байнт: итклэрн, келэрн, медрлэрн, гүжрл-тэрн болн маднд өгчэх эврэннъ дуарн. Бидн тадниг эн цаһан седклтэ кергтэн өгэнч болтн гижэнэвидн.

<sup>8</sup> Би таднд заквр өгчэхшв. Талдан улсин гүжрлтин тускар келхлэрн, би тадна дурна үнниг зөрж медхэр седлэв. <sup>9</sup> Мана Деед Эзн Иисус Христосин цаһан санаг тадн меднэт. Тер байн болв чигн Эврэннъ түрү бээдлэрн тадниг байжахин төлэ тадна төлэ тер хоосн күн болв. <sup>10</sup> Эн төрөр мини ухан седкл иим: давсн жил эклсн көдлмшэн күцэтн. Яһад гихлэ, тадн эн кергиг түрүн эклвт, нам түрүлэд күцэхэр седвт. <sup>11</sup> Эн кергэн тадн тана арһла ирлцүлэд күцэтн. Тадн эклсн седвэрэрн эн кергэн күцэж чадхан үзүлтн. <sup>12</sup> Кемр тадн дөн күргхэр седжэхлэ, тиигхлэ Бурхн эн седвэриг күүнд уга юмнла биш, бээслэн лэнь ирлцүлж авна. <sup>13</sup> Би күчр-күндиг таднд даалһад, талдан улсин бээдл гиигрүлхэр бээнэв гиж келжэхшв. Би өдл бээдл учртха гилэв. <sup>14</sup> Ода deerэн тадн эврэннъ ик зөөрэсн теднэ дутуһинь дүүргж чаджанат. Дэкэд тедн зөөр хоршхла, тиигхлэ тедн тана дутуг күцэх. Тиигэд аштнъ өдл бээдл учрх. <sup>15</sup> Бурхна бичгт иигж бичэтэлм: «Икэр юм хураж авснаас үлү һардго, ба-хар хураснаас дуту болдго».

#### *Тит болн төрүнэ хаалгын ханымууд*

<sup>16</sup> Намаг кеснлэ өдл Бурхн Титиг таднд дөн күрх ик седклтэ кеснд би Бурхнд ханлтан өргжэнэв. <sup>17</sup> Эн сурвриг күцэхдэн зөвшэл өгсн deerэн Тит дөн болхар икэр седэд, эврэннъ сэн дуарар тадн тал йовжана. <sup>18</sup> Терүнлэ хамдан мадн бас нег ахан илгэввидн. Терүг Сэн Зэнг тархадгдн Христост иткдг цуг багмуд икэр үнлнэ. <sup>19</sup> Түүнэс даву Деед Эзнэ туурмжин төлэ болн мана сэн седвэр үзүлхин төлэ цаһан седклин эн кергиг бидн күцэх цагт иткдг улсин багмуд терүгэр маднд хань кев. <sup>20</sup> Элвгэр өгсн эн белгиг яһж авч күргснд өмтн дурго болдгоһар бидн сагар йовнавидн. <sup>21</sup> Яһад гихлэ, бидн зуг Деед Эзнэ өмн биш, болв цуг өмтнэ өмн чикэр кехэр седжэнэвидн. <sup>22</sup> Теднлэ бидн эврэннъ

ахан илгэввидн. Бидн төрүг шулун-шулун шинжлэд, төрүнэ дөн болхар бээх седклинь итквидн. Ода болхла төрүнэ дөн болх седвэрнь улм икдв, яһад гихлэ, тер таднд иткжэнэ.<sup>23</sup> Титин тускар келхлэ, тер – мини хань болн таднд церглхд наанла хамдан көдлдг күн болжана. Талдан ахнрин тускар болхла, тедн Христосин туурмжнь болад төрүнд иткдг багмудар илгэгдв.<sup>24</sup> Мадниг таднар йосндан буульмж кежэхиг иткдг улсин цуг багмуд үзэд меддгэр ахнр-дүүнрт дуран өгтн.

### *Иткдг ахнр-дүүнрт күргсн дөн*

**9** Бурхна улст дөн күргхин тускар таднд бичэд керг уга.<sup>2</sup> Тадн дөн болхар седжэхиг би меднэв. Македоньд бээх өмтнд би тадниг буулылав: «Ахъяд бээсн ахнр-дүүнр, давсан жилэс авн дөн болхдан белн билэ». Тана седвэр теднэ кесгтий сэн йовдл гарххднь дөн болв.<sup>3</sup> Эн керг таднар буульмж кежэсн мана хосн уг болад үлддгохар, би эн ахнр-дүүнрэн илгэжэнэв. Болв, мини келсэр, тадн эврэннү дөнгэн бел кетн.<sup>4</sup> Кемр Македоньд бээдг өмтн наанла хамдан ирэд, тадниг белн болад уаг үзхлэ, маднд ичртэ болх. Таднд түүнэс давунар ичртэ болх.<sup>5</sup> Тегэд би иижж санув: тадна өгхэр седжэсн белгиг мини ах-дүүнр та- над одад, намаг иртл бел кетхэ. Тийгхлэ тер белг күчэр авсмн биш, эврэ дураг өгсмн болж наарх.

<sup>6</sup> Баһар тэрэ тэрсн күн, баһар авдгиг тодлад авчкти. Элвгэр тэрсн күн элвгэр хадж авх.<sup>7</sup> Күн болһи кедү мөнг өгнэв гиһэд шииидсэн хармил уга, өгптэ седвэрэн оныгтан авлго өгх зөвтэ. Яһад гихлэ, Бурхн байрлж өгснд дурга.<sup>8</sup> Бурхн таднд зүсн-зүүл белг асхрулж өгч чадх. Тийгэд кергтэ тооттн кезэ чигн таднд бээх. Бас тертн ямаран чигн цаһан саната керг күцэхд күртх.<sup>9</sup> Бурхна Бичгт иижж бичэтэ: «Сэн күн элвгэр түрү улст өгчэнэ, төрүнэ цаһан санан – мөнк».<sup>10</sup> Тэрэчиг хотын төлэ тэрэнэ экэр болн өдмгэр Бурхн теткнэ. Тадниг бас Тер кергтэ экэр теткх, төрүг урһах, тадна цаһан саната йовдлын байн урһц өгх.<sup>11</sup> Тадн байжхларн кезэ чигн өгэнч болхит. Маднар дамжад таднд өгсн белгт олн улс Бурхнд ханлтан өргх.<sup>12</sup> Яһад гихлэ, эн дөн күрглін Бурхна улсин зуг кергтэ тоотын теткх биш, нам Бурхнд улм ханлтан өргхиг икдүлх.<sup>13</sup> Тадна церглтиг шинжлснэ хөөн тана бэрж йовсн Христосин Сэн Зэнгд итклтэ болсарн, кесгнь Бурхиг тууруулх. Теднлэ болн цугталань тадн бээснэсн элвгэр

хувалцснд тедн бас тиигх. <sup>14</sup>Тадна ормд тедн өрүн дуарн мөргх, яһад гихлэ, Бурхн таднд ўир икэр цаһан санаан күргв.  
<sup>15</sup> Келж большго белг өгсндөн Бурхн тууртха!

*Павел эврэннүү церглтэн харсажана*

**10** Таднла бээхлэрн номһн, таднас холд бээхлэрн зөргтэ гиж намаг келшхэнэ. Би, Павел, номһн цаһан саната Христосин нерн deerэс таднд дуудвр кежэнэв. <sup>2</sup>Тадн тал ирхлэ, намар зөргтэ болн нег мөслгч кү кехэр бичэ седтн. Күүнэ седвэрэр һардвр кеж мадниг көдлжэнэ гиж тоолжах улслыа би зөргтэ болж чадхан лавта меднэв. <sup>3</sup>Яһад гихлэ, эн делкэд бидн бүүрлэд бээвв чигн, болв эн делкэд дээлдглэ өдлэр дээлджэхшивидн. <sup>4</sup>Мана дээнд бидн эн делкэн зер-зев биш, шивэ хамхлдг Бурхна күчтэ зер-зев олзлна-видн. Бидн зүткэтэ ухаг <sup>5</sup>болн Бурхна медрлин өмнэс босжах санааг уга кежэнэвидн. Христост сонсхврта болтха гиһэд, бидн санан болһниг бэрэнд авлавидн. <sup>6</sup>Тадн цугтан Христост сонсхврта болхла, бидн ямаран чигн сонсвр уга йовдлыг засглхдан бельвидн.

<sup>7</sup>Өмнэн бээсэн хэлэлт. Кемр кен нег күн бийэн Христосин күүнд тоолжахла, тиигхлэ бидн бас терүнлэ өдл Христосин улс болжана гиж тоолтха. <sup>8</sup>Деед Эзнэ өгсн йосар бардмнхдан би нам ичжэхшв. Эн йосн таниг эвджэхш, батражана. <sup>9</sup>Би тадниг эврэннүү бичгэрн өэлжэх күн болхар седжэхшв. <sup>10</sup>Яһад гихлэ, зэрмнь келнэ: «Терүнэ бичгүд догшн болн күчтэ, болв маднла бээхлэрн бийнь арһ уга, келнь мел хоосн». <sup>11</sup>Таднас холд бээхлэрн мана бичгт бичжэх тоот болн таднла бээхлэрн мана кех көдлмш хоорнд мел йилһт угаһинь тиим күн медтхэ.

<sup>12</sup>Би бийэн буульжах күүнэ тоод оршгов, эс гихлэ теднлэ бийэн өдлүүлх сана зүүшгов. Тедн эргү болад, бийинн тускар эврэннүү кемжэхэнээр кемжэлж келжэнэ, бийэн бийлэхэн өдлүүлжэнэ. <sup>13</sup>Бидн болхла кемжэн угаһар бийэн буульж чадшговидн. Бурхна кетхэ гиһэд заасн көдлмш мана кемжэн болжана. Энүнд тадн дунд кесн көдлмш бас тоод оржана. <sup>14</sup>Бидн тадн тал эс ирсн кевтэ мана өмн тогтасн кемжэнэс давжахшивидн. Сэн Зэнгиг таднд бидн түрүн болж авч ирвидн. <sup>15</sup>Талдан улсин көдлмшэр бидн кемжэн угаһар бардмнжашшивидн. Болв тана иткл өссэр тадн дунд мана кех көдлмш Бурхн тогтасн межэ күртл икэр икдх гиж бидн нээлжэнэвидн. <sup>16</sup>Тиигэд бидн Бурхнд талдан күүнэ кесн көдлмшэр бардмнлго, ондан орн-нутгудар чигн бидн Сэн Зэнг тархаж

чадхвидн.<sup>17</sup> «Буульжах күн Деед Эзэн буультха». <sup>18</sup> Эврэн бийэн буульжах биш Деед Эзэн буульжах күн тоомсрта болна.

### *Павел болн худл апостолмуд*

**11** Кемр би нам невчкн эргү болв чигн, тадн нанла тесвртэ болтн гиж санлав. Нанла тесвртэ болтн!<sup>2</sup> Би Бурхна өдл тадниг нанцхн Терүнэ болтха гижөнэв. Янад гихлэ, би тадна төлө нанцхн залуд Христост үг оруулв. Терүнд би тас цевр келсн күүк үзүлх йостав.<sup>3</sup> Болв мона дүрстэ эрлг эврэнн мекэр Хабаг меклснлэ өдлэр, түүшн тана ухан авлгдад, Христост күцн болн цевр нерэдлнэс хольжад одвза гиж би өэжэнэв.<sup>4</sup> Кемр кен чигн күн ирэд мана цээлнэд уга талдан Иисусин тускар цээлнжэхлэ, эс гихлэ тана авсн Сэкуснэс талдан Сэкус авхла, эс гихлэ тана авсн Сэн Зэнгэс талданиг авхла, тиигхлэ тадн тер күүнлэ түргн тесвртэ болнат.<sup>5</sup> Деед апостолмудас би юунаар чигн дуту болжахшв гиж тоолжанав.<sup>6</sup> Би келмрч эс болв чигн, болв теднэс татунаар медхшв. Энүгэн бидн зүсн-зүүл arħar kесг дәкж таднд лавлавидн.

<sup>7</sup> Таднд Сэн Зэнг өнгэр тархасндан би тадниг өргхин төлө бийэн дорагшлулад килнц harħsmn болзваз?<sup>8</sup> Таднд церглхин төлэ би иткdg талдан багмудас мөнг авсндан тедниг негжв гиж келж болжана.<sup>9</sup> Танад бээхлэрн, би түрү бээвв чигн, нег чигн күүнд ацаан болш чигн угав. Нанд Македоняс ирсн ахnr-дүүнр кергтэ тоотм өгчэв. Би таднд мел ацаан болсн чигн угав, болх чигн угав.<sup>10</sup> Нанд бээх Христосин үнэр үгэн өгчэнэв. Цуг Ахъяр энүгэр намаг бардмнхиг нег чигн күн зогсаж чадшго.<sup>11</sup> Энүг би таднд дурго болад келжэнү? Би таднд ямаран дуртаг Бурхн меднэ.

<sup>12</sup> Би кежэх көдлмшэн цаарандан кенэв. Бурхна кергиг маднла өдл кежэнэв гиж бардмнхар учр хээжэх улст, би тиим arħ өгшгов.

<sup>13</sup> Янад гихлэ, тиим улс худл апостолмуд болжана, тедн эврэ көдлмшин тускар худл келжэнэ. Христосин апостолмудыг тедн дурана.<sup>14</sup> Өврх юмн уга, янад гихлэ, эрлг бурхна герлин элчиг дурана.

<sup>15</sup> Кемр терүнэ зарцнр чик бээдлин көдлмшчнриг дуражахла, тиигэд акад юмн мел уга. Аштнь тедн кесн кергэрн авхан авх.

### *Христосин толэ Павел зовжана*

<sup>16</sup> Би бас нег давгад келжэнэв: намаг hərgtэ гиж бичэ тоолтн. Кемр тадн тиигж тоолжахла, бас невчк бардмндар, намаг hərgтэ күн кевтэ орулж автн.<sup>17</sup> Мини ода келхм Деед Эзнэс биш.

Бийэн бууляд би һөргтэ күн кевтэ келнэв. <sup>18</sup>Олын улс күүнэ учарар бардмнна, би бас тиигнэв. <sup>19</sup>Тадн цецн болчкад, һөргтэ улслы таасж тесвртэ болнат. <sup>20</sup>Тадн бийэн бууляд мухлалсн күн болниг, эс гихлэ тадна архиг олзлсиг, эс гихлэ таднас авлн булажасиг, эс гихлэ таднд deerlksig, эс гихлэ халхартн ташсан күүг тесж даанат. <sup>21</sup>Ичр хату болсар таднд тиим йовдл һархд маднд зөрг тату болад бээв гиж би келсв. Би һөргтэ күн кевтэ келжэнэв. Кемр кен болв чигн, юунар болвчн бардмнхар седхлэ, би бас тиигж кехв. <sup>22</sup>Тедн – евреймүдий? Би бас. Израилин улсий? Би бас. Абрахамин хөөт үйнрий? Би бас. <sup>23</sup>Тедн Христосин зарцнрий? Би һөрглсн күүнлэ әдл келдг болв чигн, болв би зарцнрас deer зарцв. Би теднэс икэр көдллэв, түүрмд икэр суулав, икэр гүвдүллэв, үхчин өргнэд ол дэкж бээлэв. <sup>24</sup>Евреймүд намаг нучн тийс дэкж тавн саамд малядв. <sup>25</sup>Нурв дэкж римлянмуд намаг модар цокв. Нег дэкж чолунар шивж цокв. Би нурв дэкж усна кермин хамхрлнла хархв, өдр сө уга эн-зах уга тенгст цокгдв. <sup>26</sup>Би эврэнн олн зуульчлндан өэмшглэ хархв: нолын деврлнэс, тонулас, евреймүдэс, буру келтэ улсас, худл ахир-дүүнрэс балхснд, күн уга эжго назрт, тенгст би өэмшг үзв. <sup>27</sup>Би чидлэн геетлэн көдлв, нөр уга бээвв, хархнв, ундасв. Нурхлж би хот уга, бээрн уга, хувцн уга бээвв. <sup>28</sup>Энүнэс талдан би өдр болхн иткдг цуг багмудт килмжэн өгх тир күнд даавртав. <sup>29</sup>Кемр кен негнь чинэн уга болхла, би бас чинэн уга болнав. Кемр кен негнь килнц һархажла, би зовнав.

<sup>30</sup>Би кемр бардмнхар седхлэрн, тиигхлэрн чинэн уганим заажа юмар бардмннав. <sup>31</sup>Бурхн болн Деед Ээн Иисусин Эцк намаг худл эс келжэхиг меднэ. Мөнкинд Терүнд туурмж! <sup>32</sup>Дамаскд Арет хаана залач намаг бэрхэр балхсна үүднд манач тэвв. <sup>33</sup>Болв намаг эрст бээсн нүкэр земблъд суулнад буулхв. Тиигэд би тер залачас өмд үлдв.

### Павелын үзгэл

**12** Олз-тус уга болвчн би бийэн буулых зөвтэ болжанав. Болв би Деед Ээнэ өгсн үзглийн болн илэр келлнэ тускар күүндий гижэнэв. <sup>2</sup>Христосла ниицэд бээх арвн дөрвн жил хооран нурвдгч тенгт өрггдсн күүг би меднэв. Болв тер күн цогц-махмудта бээсинь, эс гихлэ үзгл бээсинь би медхшв, Бурхн меднэ. <sup>3-4</sup>Э-э, тер күүг Бурхна садт авч одгдсинь би меднэв. Зуг

цогц-махмудтан эс гихлэ үзгдл болж тиигсинь би меджэхшв. Бурхн меднэ. Тер тенд үгэр болн амарн келж большго юм соңсж.<sup>5</sup> Би тиим күүг буульнав, бийэн буульхшв, зуг эврэнн чинэн угааарн бардмнхас биш. <sup>6</sup>Болв кемр би бардмнхар седхлэрн, тиигхлэрн би һөргтэ күн кевтэ келшгов, би үнэр келнэв. Зуг би бардмнхар бээхшв, янад гихлэ, мини тускар кен чигн күн үзжэснээн үлүд тоолдгонар, эс гихлэ нанас соңсжаснас үлүд тоолдгонар санлав. <sup>7</sup>Нанд Бурхн оли ил келлн өглэ. Бичэ бардмнхар гиһэд Бурхн мини цогц-махмудт бог шааж. Эн бог эрлгин элч. Нанд өвдкүр өгхэр, намаг бичэ deer сана зүүтхэ гиһэд эн илгэгдж. <sup>8</sup>Би Деед Ээнд һурв дэкж терүг уга кетхэ гиһэд мөргж сурлав. <sup>9</sup>Болв Деед Ээн нанд иигж кель: «Чамд мини хээрлт болжана. Янад гихлэ, кемр күн арх тату болхла, мини чидл улм икдэд үзгднэ». Тер учар Христосин күн нанд үзгддгэр би бийинн арх татунаан байртаар буульнав. <sup>10</sup>Би арх татунаан, му келүлсэн, күчр-кундэн, көөлхсэн, Христосин төлэ шахгдсан зөвтэ гижэнэв. Янад гихлэ, арх тату болхларн, би чидлтэв.

### *Көринтд бээх иткдг багин тускар Павел харм төрснь*

<sup>11</sup>Би һөрглүв. Болв тадн намаг тиим болдгар кевт. Янад гихлэ, тадн намаг буулых зөвтэт. Би юмн эс болвчин, эн йир өөдэн апостолмудт тэвж өгчэхшв. <sup>12</sup>Намаг йосн апостол болсиг тадн дунд кесн иим темдгүд медулжэнэ: өвэрц юмн, онц темдг, күчр кергүд болн тесвр. <sup>13</sup>Тиигэд таднд эс кеснэс талдан иткдг багмудт би ю кевв? Таднд би ацаан эс болжарий. Энүнд буруним тэвж хээрлти. <sup>14</sup>Би тадн тал һурвадаа йовхар бeldжэнэв. Болв тер бийнь би таднд ацаан большгов. Нанд тадна бээсн юмн биш, тадн эврэн кергтэт. Янад гихлэ, эврэнн эк-эцкин төлэ үрдүд мөнг цуглухш, эк-эцкир үрдүдинн төлэ цуглулна. <sup>15</sup>Тадна сэ-күснэ төлэ бээсэн цугтанинь, бийэн өгхдэн би байрта бээнэв. Би таднд икэр дурта болснд тадн нанд баһар дурта болхийт? <sup>16</sup>Би таднд ацаан эс болснаа зөвшөржнэт. Зуг тадн намаг мектэ гиж келхит, мекэр тадниг авль гихит. <sup>17</sup>Янж? Тадн тал илгэсн улсас нанд олз орви? <sup>18</sup>Би Титиг тадн тал одтха гиж сурлав, тे-рунлэ бас нег ахан илгэлэв. Тит таднаас олзта нарви? Мини болн терүнэ күсл негн биший? Тер би хойр өдлэр көдлмш ке-жэхший?

<sup>19</sup> Мел эн цагин туршарт бидн тадна өмн бийэн харсжана гиж санжахаа бээдлтэй. Уга! Бидн Бурхна өмн Христосин зарцир болж таднид келжэнэвидн: дурта улс, мана кежэх көдлүү тадниг батрахин төлө кежэх юмн. <sup>20</sup> Намаг тадн тал кемр ирхлэ, тадн мини седжэснэс ондарж одвзат, би бас тадна седжэснэс ондан болж одвзав гиж саглжанав. Тадн дунд цүүглүү, үлү үзлүү, налзурлүү, бийрхгүү бээдл, худл, хов зөөлүү, deerklүү болн диг-дара эвдлүү үзхүүв гиж би ээжэнэв. <sup>21</sup> Кемр би дэкэд тадн тал ирхлэ, Бурхн намаг тана өмн дорацуулх гиж ээжэнэв. Тиигэд тадна икнкны килнц harhad, кесн бузр, шашавд уга болн аля кергэн эс хайсан оли улсиг би уульж хармнхв.

### *Товчилгүү уг*

**13** Эннэ мини тадн тал hурвдгч ирлүү болжана. Бурхна Бичгүү иигж бичэтэ: «Юн чигн гемшэлүү хойр эс гихлэ hурвн герчэр лавлгдх зөвтэ». <sup>2</sup>Урднь килнц harhcsn улсиг болн цуг талдан улсиг би өмнэснэ келлэв. Ода танад эс бээвв чигн би тедниг танад хойрдгч саамд ирхлэрн саглснла өдлэр өмнэснэ саглжанав. Кемр намаг дэкэд ирхлэг, күн болһүн засглдлго бээшго. <sup>3</sup>Нанар дамжад Христос келжэнэ гисиг тадн батлхар седж некжэнэт. Христос тадна төлө ю болов чигн кехлэрн арх уга биш, эврэннэ чидлэн тадн дунд үзүлжэнэ. <sup>4</sup>Янад гихлэ, Тер чинэн уга цагтан кирст хадгдла, болов Бурхна күчэр өмд бээнэ. Бидн Терүнлэ нийлсндэн чинэн уганьвидн, зуг бидн тадна төлэ бээхлэрн Бурхна күчэр Христосла бээхвидн.

<sup>5</sup> Бийэн сөрэд хэлэти: тадн Христост иткж бээдвтэ. Бийэн шинжлтн. Зуг сөрлтиг эс дарсмн болхла, тадн Иисус Христосла нийлж бээсиг меджэхшвтэ? <sup>6</sup>Бидн эн сөрлтиг даасиг тадниг медх гиж би нээлжэнэв. <sup>7</sup>Болов бидн тадниг му юм бичэ harh-txa гиһэд Бурхнд зальвржанавидн. Мадниг сээнэр сөрлүү даасиг үзүлхин төлэ биш, тадниг цаанан саната йовдл harh-txa гиһэд тиигжэнэвидн. Нам бидн сөрлүү эс дааж чадсмн болж harh-txa. <sup>8</sup>Бидн үнниг бурушасндан биш, үннэ төлэ чидлтэвидн. <sup>9</sup>Янад гихлэ, тадниг архта болхла, бидн арх уга болхларн байрлнавидн. Тиигэд тадн сэн талан ондартха гиһэд зальвржанавидн. <sup>10</sup>Таднаас холд бээхэд тиигэд би бичжэнэв. Би тадн тал ирхлэрн эвдрлүүнэ биш, батралына төлэ өгсн Деед Эзнэ йосиг олзлад эвдх йовдл harh-dgo har tiiigjhenэв.

<sup>11</sup>Ахnr-дүүнр, аштнь байрлтн, чикртн, мини сурсн тоотыг күцэтн, нег-негнлэхэн ниихэр болн эвтэхэр бээтн. Дурна болн эвин Бурхн таднла бээх. <sup>12</sup>Нег-негэн өрүнэр үмсж тостн. Бурхна улс цугтан таднд мендэн илгэжэнэ.

<sup>13</sup>Деед Эзн Иисус Христосин цаһан санан, Бурхна дурн болн Өрүн Сэкүснэ иньглт цуг таднла бээтихэ.